

**Ekonomski fakultet u Sarajevu**, Trg oslobođenja - Alija Izetbegović broj 1., Sarajevo, koji zastupa dekan Fakulteta prof. dr. Kemal Kozarić, (u daljem tekstu: Primalac usluga), i

**EUROPA D.D. SARAJEVO, P.J. HOTEL ASTRA**, ul. Zelenih beretki br. 9, 71000 Sarajevo koji zastupa direktor Rasim Bajrović (u daljem tekstu: Pružalac usluga),

nakon provedenog postupka javne nabavke putem direktnog sporazuma i Odluke o dodjeli ugovora br. 01-3-8492-6/16 od 30. 11. 2016. godine, zaključili su u Sarajevu dana 05. 12. 2016. godine,

## **UGOVOR O PRUŽANJU USLUGA**

### **Član 1.**

Predmet Ugovora je pružanje hotelskih usluga koje obuhvataju smještaj - jednokrevetna soba, klimatizirana, TV s odabranim kablovskim programima, kupatilska kozmetika, direktan brzi Internet pristup Wi-Fi, ishrana (doručak), boravišna taksa i osiguranje na područje uže gradske zone, a sve za gostujuće profesore kod Primaoca usluga.

### **Član 2.**

Pružalac i primalac usluga su saglasni da Ugovor realizuju prema definisanim uslovima iz zahtjeva za dostavljanje ponuda i ponudi ponuđača, koja je sastavni dio ugovora.

### **Član 3.**

Pružalac usluga se obavezuje da će u skladu sa odredbama Ugovora usluge pružati sukcesivno i kontinuirano u skladu sa zahtjevima Primaoca usluga.

Pružalac usluga se obavezuje da će rezervaciju usluga hotelskog smještaja vršiti po pismenim zahtjevima Primaoca usluga.

Ukupna cijena usluga hotelskog smještaja utvrđena u ponudi broj 7776/16 od 28. 11. 2016. godine iznosi 6.860,00 KM (slovima: šestiljadaosamstotinašezdeset KM) sa uračunatim PDV-om i ista se neće mijenjati tokom ugovornog perioda.

### **Član 4.**

Pružalac usluga se obavezuje pružiti usluge Primaocu usluga, propisanog kvaliteta u traženom obimu i u dogovoreno vrijeme.

Pružalac usluga se obavezuje na rok rezervacije usluge hotelskog smještaja, odnosno odmah po pismenom zahtjevu Primaoca usluga.

### **Član 5.**

Primalac usluga se obavezuje da će plaćanje za usluge hotelskog smještaja uplaćivati u roku od 30 dana na račun Pružaoca usluga od dana ispostavljanja fakture.

## Član 6.

Pružalac usluga se obavezuje da će usluge pružati u skladu sa zahtjevima Primaoca usluga i da će odmah postupiti po eventualnim primjedbama Primaoca usluga, a u vezi nedostataka na ime kvaliteta izvršene usluge.

Primalac usluga je dužan da dostavi pismeno obavještenje o svakom navodnom propustu Pružaoca usluga po Ugovoru.

Primalac usluga će utvrditi razuman rok za ispravku propusta Pružaoca usluga u smislu izvršene usluge.

## Član 7.

Na sve odnose i institute koji nisu navedeni u Ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

## Član 8.

Svaka od ugovornih strana može, u slučaju suštinskih odstupanja po kvalitetu i kvantitetu usluga i svih razloga propisanih Zakonom o obligacionim odnosima, otkazati ovaj Ugovor pismenim putem, sa obrazloženjem, uz otkazni rok od 15 (petnaest) dana.

## Član 9.

Sve eventualne sporove ugovorne strane će rješavati sporazumno, a ako u tome ne uspiju ugovaraju nadležnost Općinskog suda u Sarajevu.

## Član 10.

Ugovor se potpisuje na period od 1 (jedne) godine, počev od dana obostranog potpisivanja Ugovora. Danom obostranog potpisa Ugovora teče i njegova praktična primjena.

Ovaj Ugovor je sastavljen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

**Pružalac usluga**  
**EUROPA D.D.**  
**P. J. Hotel „ASTRA“**

**Direktor**  
**Rasim Bajrović**



Broj: \_\_\_\_\_

8033116/1

**Primalac usluga**  
**Ekonomski fakultet u Sarajevu**

**Dekan**  
**Prof. dr. Kemal Kozarić**



Broj: 01-3-7492-8/16